

իրենց գլուխն են փշրել: Դեղնկան ու չարչարուած մի դաշտ, ճեղքուած քների եւ արխանդների մի բոյն, որի մէջ թռչունը ծերանում է եւ մրրիկը թեւերը գեւաին է խփում:

Ու ծո՛վը, խոր, ինքը իր մէջ քաշուած, խորհրդաւոր, լերան նայուածքով Սեւանայ ծովը:

Ուրիշ երկրներում լիճերը պսակ են: Կապոյտը կանանչի հետ ճիւղուած դարդ, կախարդ պատահականութիւն, արտացոլումների խաղ եւ հայելիացում, ուր երկինքը գալիս է իր թեւերը լուալու համար: Իսկ Սեւանայ լիճը, ընդհակառակը, պառկած է երկնքի դէմ իրբեւ հաւասար ուժ, իրբեւ ամբողջութեան մաս: Այնքան որ, ամպերի կուտակումներին, անցնող հովերի եւ ցնցուող լոյսերի գունաւէտ քանդակումին ինքն էլ է մասնակցում: Սեւանը բխում է հեռուից, հսկայական մի խորքից, այնտեղ լեռները տակ պառկած դարաւոր շերտերի տակից, իբրեւ մեծղի այս աշխարհի անգուսպ մի բացուածք, լոյսը տենչող մի դաղտնի ուժ եւ մթին մի կեանքի դէպի արեւ բացուած մի պատուհան:

Եւ որովհետեւ ամէն ինչ մերկ է՝ քար եւ ժայռ՝ Սեւանը բացուած գրքի նման պարզ է եւ խոր, մինակ է եւ բարդ, դիւրամբունելի է եւ արտասովոր: Այստեղ մրրիկը եւ քամին, ձիւնը եւ փոթորիկը կուտակուած քարերի վրայ իրենց ձիւրանների հետքերն են թողել եւ աղքատիկ բոյսերի շուրջը բոց են ման ածել:

Ի՞նչ անծայր միակեղութիւն:

Ափի մօտ պառկած՝ դէմքս տուել եմ երկրնքին ու աչքերիս մէջ առել ամբողջ անհունը: Գարունը մեղմօրէն սրափում է սառը մի հովի մօտ:

Հեռում՝ կղզին: Փոքրիկ, ժայռոտ, լերկ ու մերկ: Ոչ քարերի նաւը, որի վրայ նոճիկները ծոռւմ են իրենց գլուխը ափից շունչ առնելու համար, ոչ սահող երազանքը, ուր թրոչունները մի վայրկեան կանդ են առնում ջուրի ծաղկած պատրանքը կտուցելու համար, այլ ոտքերը ծանրօրէն յատակի մէջ մխրճած հրարխային մի կուտակում, որի դէմ բախում է լեռներից եկած հովը, փշրուած մրրիկը ու վայելով դարձպար դառնում:

Քանի նայում եմ, այնքան լիճը մեծանում

է, այնքան հեռանում է: Մտածում եմ՝ ջուրի այս դաշտը ձեղքելու համար բնութիւնը ի՞նչ ահաւոր գոշձիքներով պէտք է իջնէ՝ ամպրոպ, շանթ, փոթորիկ: Այսօր ամէն ինչ խաղաղ է, լուռ, ինչպէս գիտեն լուել կեանքի մեծ վայրկեանները, մեր լինելիութեան վճռական շրջաններում:

Ձգիտեմ ինչո՞ւ, բայց վայրը հոգեպէս ընդգրկելու համար, միտքս գնում է հեռուները, դէպի երեւակայական մի Տիրէտ, ուր անծանօթ կրօնքի խորհրդաւոր վարդապետները անտեսանելի աշխարհների հետ միտիք հաղորդակցութիւններ են ստեղծում, բարձր ժայռերի կատարին փորուած քարայրների մէջ դաղանիքների պսակն են հիւսում եւ հոգիները զարդարում: Ու շրթներս ակամայ փափուում են ճգնաւոր-բանաստեղծի գեղեցիկ եւ հնչուն անունը՝ Միլարայրա:

Միլարայրա...

Երբ պատուելի Միլարայրան, Բաղ-Մայից գալու ժամանակ կանգ առաւ Կեապ-պապ Նամ-կաձօն միակեաց վայրում, մի դիշեր նրան ներկայացաւ մի կապիկ նստած նսպաստակի վրայ, իր կատարը սուրի նման ցրցուած եւ ձեռքին յարդէ աղեղ եւ նետեր: Պատուելին ծիծաղեց: Այն ժամանակ կապիկը յայտարարեց.

«Ես եկել եմ այստեղ ձեզ վախցնելու համար, բայց որովհետեւ անկարելի է ձեզ վախ աղդել, ես կը վերադառնամ»:

Իսկ պատուելի Միլարայրան պատասխանեց.—

«Ես վստահ լինելով, որ բոլոր երեւոյթները միմիայն երեւակայութեան մէջ գոյութիւն ունին եւ իմ գիտակցութիւնս միացած է յաւիտենականի հետ, քո բոլոր հրաչքները, սատանայ, ինձ, Իօհիւն-ճգնաւորիս համար, միայն ծիծաղելի են»:

Այն ժամանակ սատանան երդում տուաւ ծառայել պատուելի Միլարայրային եւ անհետացաւ, ինչպէս անհետանում է՝ ծիածանը:

Դրանից յետոյ Միլարայրան տեսնելու համար եկան Գրոտ-տանից հաւատացեալ ուղործաբաշխները, եւ ասացին.

«Ի՞նչ առաւելութիւններ ունին այս վայրերը»: